

慧日佛學班第 06 期

## 《大智度論》卷 34

〈釋初品中見一切佛世界義第五十一之餘〉<sup>1</sup>  
(大正 25, 308b21-312b21)

釋厚觀 (2009.01.17)

**壹、欲見三世十方諸佛國，當學般若** (承上卷 33)

**貳、欲聽聞讀誦受持佛說十二部經，當學般若** (承上卷 33)

**參、欲信持三世諸佛法，自行、教他，當學般若**

【經】復次，舍利弗！菩薩摩訶薩，十方如恒河沙等世界中諸佛所說法：已說、今說、當說，聞已，欲一切信持、自行、亦為人說者，當學般若波羅蜜！

【論】

※ 上已說「欲憶持十方諸佛所說法」，今何以更說「信持三世佛法」

問曰：上已說「十方諸佛所說，(308c) 欲憶持不忘，當學般若」，<sup>2</sup>今何以復說「信持三世佛法」？

答曰：上說「欲憶持十方諸佛法」，未知是何法，故說「十二部經」是佛法，及「聲聞所不聞者」。<sup>3</sup>上但言「恒河沙等世界諸佛」，今言「恒河沙三世諸佛法」。

又上但說「受持不忘」，不說受持利益；今言「自為，亦為他人說」，是故復說。

**肆、欲聞過去未來諸佛說法，自利利他，當學般若**

【經】復次，舍利弗！菩薩摩訶薩，過去諸佛說已，未來諸佛當說，欲聞，聞已，自利亦利他人，當學般若波羅蜜！

【論】

※ 現在佛說法能得聞，過去、未來諸佛說法云何可聞

問曰：十方現在佛所說法，可受、可持；過去已滅，未來未有，云何可聞？

答曰：此義先已答，<sup>4</sup>今當更說。

**一、觀三世諸佛三昧，入已悉見三世佛，聞其說法** (印順法師，《大智度論筆記》[A058] p.98)

菩薩有三昧，名「觀三世諸佛三昧」，菩薩入是三昧中，悉見三世諸佛，聞其說法。

<sup>1</sup> 見一切佛世界義第五十一之餘卷三十四=信持第四十二卷第三十四【宋】【宮】，=信持卷第三十四【元】【明】，=信持卷第三十八【石】。(大正 25, 308d, n.18)

<sup>2</sup> 參見《摩訶般若波羅蜜經》卷 1〈1 序品〉：「復次，舍利弗！欲聞十方諸佛所說法，聞已乃至阿耨多羅三藐三菩提不忘者，當學般若波羅蜜。」(大正 8, 220b20-22)  
另參見《大智度論》卷 33 (大正 25, 306b5-18)。

<sup>3</sup> 參見《摩訶般若波羅蜜經》卷 1〈1 序品〉：「復次，舍利弗！菩薩摩訶薩欲聞十方諸佛所說十二部經——修多羅、祇夜、受記經、伽陀、憂陀那、因緣經、阿波陀那、如是語經、本生經、方廣經、未曾有經、論議經，諸聲聞等聞與不聞，盡欲誦受持者，當學般若波羅蜜。」(大正 8, 220b24-29)  
另參見《大智度論》卷 33 (大正 25, 306c16-308b15)。

<sup>4</sup> 參見《大智度論》卷 33 (大正 25, 306c4-15)。

譬如外道神仙，於未來世事，未有形兆、未有言說，以智慧力故，亦見、亦聞。<sup>5</sup>

### 二、菩薩不可思議力、陀羅尼力、以今事比知故

復次，諸菩薩力不可思議，未來世雖未有形、未有言說，而能見、能聞。或以陀羅尼力<sup>6</sup>，或以今事比知過去、未來諸事。

### 三、結

以是故言：「欲得是者，當學般若波羅蜜。」

## 伍、欲持光明普照一切世界，當學般若

【經】十方如恒河沙等諸世界，中間闇處，日月所不照，欲持光明普照者，當學般若波羅蜜！

### 【論】

#### 一、釋尊入胎、出生、成道、轉法輪、般涅槃、說法等時皆身現光明

菩薩從兜率天上欲降神母胎，爾時，身放光明，遍照一切世界及世間幽冥之處。

次後生時，光明遍照，亦復如是。

初成道時、轉法輪時、般涅槃時，放大光明，皆亦如是。

及於餘時現大神通，放大光明。如欲說般若波羅蜜時，現大神通，以大光明遍照世間幽冥之處。

如是比<sup>7</sup>，處處經中說神通光明。

#### 二、佛身放光明可爾，菩薩云何能身放光明

問曰：此是佛力，何以故說菩薩？

答曰：

##### （一）言菩薩欲得

今言菩（309a）薩欲得是者，當學般若波羅蜜。

##### （二）諸大菩薩能有是力，身出無量光明，普照十方世界

諸大菩薩能有是力。如遍吉菩薩，觀世音、得大勢、明網、無量光菩薩等，能有是力，身出無量光明，能照十方如恒河沙等世界。

##### （三）極樂世界：諸菩薩身出常光，照十萬由旬（印順法師，《大智度論筆記》〔C016〕p.211）

又如阿彌陀佛世界中，諸菩薩身出常光，照十萬由旬。

### 三、身光因緣（印順法師，《大智度論筆記》〔C030〕p.233）

問曰：菩薩身光如是，本以何業因緣得？

答曰：

##### （一）身業清淨故

身業清淨故身得莊嚴。

如《經》說：「有一鬼頭似豬，臭虫從口出，身有金色光明。是鬼宿世作比丘，惡口

<sup>5</sup> 外道知未來：以慧力。（印順法師，《大智度論筆記》〔A051〕p.89）

<sup>6</sup> 陀羅尼，參見《大智度論》卷 3（大正 25，95b2-96b29，97c5-20）、卷 28（大正 25，268a2-b4）。

<sup>7</sup> 比（ㄅㄧ）：3.類。（《漢語大詞典》（五），p.259）

罵詈客比丘。身持淨戒，故身有光明；口有惡言，故臭虫從口出。」<sup>8</sup>

如《經》說：「心清淨優劣，故光有上、中、下；少光、大光、光音。欲界諸天，心清淨布施、持戒，故身有光明。」<sup>9</sup>

### 〔二〕布施、供養明淨物

復次，有人憐愍眾生故，於闇處然燈，亦為供養尊像、塔、寺故，亦以明珠、戶嚮<sup>10</sup>、明鏡等明淨物布施故，身有光明。

### 〔三〕常修慈心，念佛三昧，念佛光明，得身光明

（印順法師，《大智度論筆記》〔C002〕p.182）

復次，常修慈心，遍念眾生，心清淨故；又常修念佛三昧，念諸佛光明神德故，得身光明。

### 〔四〕修火一切入，或以智慧教化邪見眾生，感得身光

復次，行者常修火一切入；又以智慧光明，教化愚闇邪見眾生。以是業因緣故，得心中智慧明，身亦有光。

如是等業因緣，得身光清淨。

## 陸、有世界無三寶名，欲令一切眾生皆得正見、聞三寶音，當學般若

【經】十方如恒河沙等世界中，無有佛名、法名、僧名；欲使一切眾生皆得正見、聞三寶音者，當學般若波羅蜜！

### 【論】

#### 一、於無三寶處讚嘆三寶，令眾生入於正見

菩薩於先無佛法塔寺處，於中起塔，以是業因緣，後身得力成就；於無佛法眾處，讚歎三寶，令眾生入於正見。如《經》說：「有人於先<sup>11</sup>無佛塔國土中，修立塔廟，得梵福德，<sup>12</sup>梵名無量福德；<sup>13</sup>以是因緣，疾得禪定；得禪定故，得無量神通；神通力故，

<sup>8</sup> 一鬼口出臭虫，身有光明。（印順法師，《大智度論筆記》〔G009〕p.383）

<sup>9</sup> 諸天宮殿光明，因施淨不淨而異。（印順法師，《大智度論筆記》〔G008〕p.383）

<sup>10</sup> 嚮=向【元】【明】。（大正 25，309d，n.4）

戶嚮：《四分律行事鈔資持記》卷 2：「戶嚮即門白。」（大正 40，303c9-10）

門白：即門墩。（《漢語大詞典》（十二），p.7）

門墩：托住門扇轉軸的墩子。用木頭或石頭做成。大戶人家的石製門墩常常伸出門外，雕成獅子等各種形狀。（《漢語大詞典》（十二），p.16）

《四分律比丘含注戒本》卷 1：「若過七日，酥油塗戶嚮，蜜、石蜜與守園人。」（大正 40，441b29-c1）

《四分律》卷 53：「譬如密屋，內外泥治，堅閉戶嚮，無有風塵，於內然燈。」（大正 22，964c17-18）

《尊勝菩薩所問一切諸法入無量門陀羅尼經》卷 1：「猶多集諸法名之為舍。……如因有地牆壁梁柱椽栿門戶嚮牆名之為舍。」（大正 21，848a21-22）

從以上資料看來，「戶嚮」有兩個意思，一是「門白」，承戶軸的地方；另一是「門戶嚮牆」的縮寫，即門窗。

<sup>11</sup> 先=生【元】【明】。（大正 25，309d，n.5）

<sup>12</sup> 於無佛塔處，修立塔廟，得梵福德。（印順法師，《大智度論筆記》〔G009〕p.383）

<sup>13</sup> 參見 Lamotte（1980，p.2310，n.1）：《增壹阿含經》卷 21〈29 苦樂品〉：

爾時，世尊告諸比丘：「今當說四梵之福。云何為四？若有信善男子、善女人，未曾起偷婆處，於中能起偷婆者，是謂初梵之福也。復次，信善男子、善女人，補治故寺者，是謂第二受梵

能到<sup>14</sup>十方讚歎三寶。」

**二、釋正見：信三寶、信業因罪福、信有縛有脫**（印順法師，《大智度論筆記》〔C030〕p.233）

「正見」者，若先不（309b）識三寶功德，因菩薩故得信三寶；信三寶故，信業因緣罪福；信業因緣故，信世間是縛、涅槃是解。

**三、釋「讚歎三寶」**

「讚歎三寶」義，如「八念」中說。<sup>15</sup>

**柒、欲令眾生諸根完具、衣食無缺，當學般若**

【經】菩薩摩訶薩<sup>16</sup>，欲令十方如恒河沙等世界中眾生，以我力故，盲者得視、聾者得聽、狂者得念、裸者得衣、飢渴者得飽滿者，當學般若波羅蜜！

【論】

**一、云何以菩薩力故能令盲者得視**

**（一）眾生見法性生身佛及法性生身菩薩，皆得如願**

菩薩行無礙般若波羅蜜，若得無礙解脫成佛，若作法性生身菩薩——如文殊師利等，在十住地，有種種功德具足；眾生見者，皆得如願。譬如如意珠，所欲皆得；法性生身佛及法性生身菩薩，人有見者，皆得所願，亦復如是。

**（二）菩薩從無始來治一切眾生眼病、施眼目、照慧明、興悲願故**

復次，菩薩從初發意已來，<sup>(1)</sup>於無量劫中，治一切眾生九十六種眼病；<sup>(2)</sup>又於無量世中，自以眼布施眾生；<sup>(3)</sup>又智慧光明，破邪見黑闇；<sup>(4)</sup>又以大悲，欲令眾生所願皆得——如是業因緣，云何令眾生見菩薩身而不得眼？

**二、聾者得聽等亦如是**

餘事亦如是。

**三、此義如前「放光」中說**

此諸義，如「放光」中說。<sup>17</sup>

**捌、欲令三惡道轉得人身，當學般若**

【經】復次，舍利弗！菩薩摩訶薩，若欲令十方如恒沙等世界中眾生，諸在三惡趣者，以我力故皆得人身者，當學般若波羅蜜！

【論】

**一、應以善業因緣故得人身，云何以菩薩力能令三惡道眾生皆得人身**

問曰：自以善業因緣故得人身，云何菩薩言「以我力因緣故，令三惡道中眾生皆得人身」？

---

之福也。復次，信善男子、善女人，和合聖眾者，是謂第三受梵之福。復次，若多薩阿竭初轉法輪時，諸天、世人勸請轉法輪，是謂第四受梵之福。是謂四受梵之福。」（大正 2，656b1-9）

另參見《大毘婆沙論》卷 82（大正 27，425c13-21）；《俱舍論》卷 18（大正 29，97c18-22）。

<sup>14</sup> 到=至【宋】【元】【明】【宮】【聖】。（大正 25，309d，n.6）

<sup>15</sup> 參見《大智度論》卷 21-22（大正 25，219b2-225c13），另參見《大智度論》卷 57（大正 25，468a1-8）。

<sup>16</sup> 〔菩薩摩訶薩〕—【宋】【元】【明】【宮】。（大正 25，309d，n.7）

<sup>17</sup> 參見《大智度論》卷 8（大正 25，118b18-120a29）。

答曰：

**（一）菩薩恩力因緣故**

不言「以菩薩業因緣令眾生得人身」，但言「菩薩恩力因緣故得」。

**（二）菩薩以神通變化說法力故**

菩薩以神通變化說法力故，令眾生修善得人身。

如《經》中說：「二因緣發起正見：一者、外聞正法，二者、內有正念。」<sup>18</sup>

又如草木，內有種子、外有雨澤，然後得生。

若無菩薩，眾生雖有業因緣，(309c) 無由發起。以是故知諸佛菩薩所益甚多！

**二、釋疑：佛尚不能令一切三惡道眾生皆得解脫，何況菩薩**

問曰：云何能令三惡道中眾生皆得解脫？佛尚不能，何況菩薩！

答曰：

**（一）菩薩心願欲爾**

菩薩心願欲爾，則無過咎。

**（二）多得解脫，故言一切，非實一切**

又多得解脫，故言「一切」。<sup>19</sup>

如諸佛及大菩薩身遍出無量光明，從是光明出無量化身，遍入十方三惡道中——

令地獄火滅湯冷，其中眾生心清淨故，生天上、人中；

令餓鬼道飢渴飽滿，開發善心，得生天、人中；

令畜生道隨意得食，離諸恐怖，開發善心，亦得生天、人中。

如是名為「一切三惡道得解脫」。

**三、餘經說「生天人中」，何以此經但說「皆得人身」**

問曰：如餘經說「生天、人中」，此何以但說「皆得人身」？

答曰：

**（一）人中得修道、受福，天上易著樂妨道故**

於人中得修大功德，亦受福樂；天上多著樂故，不能修道——以是故願令皆得人身。

**（二）欲令得解脫、樂涅槃故**

復次，菩薩不願眾生但受福樂，欲令得解脫，常樂涅槃，以是故不說生天上。<sup>20</sup>

**跋、欲令眾生得五分法身、三乘道果，當學般若**

**【經】**欲令十方如恒河沙等世界中眾生，以我力故，立於戒、三昧、智慧、解脫、解脫

<sup>18</sup> 二因緣生正見。(印順法師，《大智度論筆記》[G009] p.383)

參見《中阿含經》卷 58 (211 經)《大拘絺羅經》(大正 1, 790c28-791a5)，《長阿含經》卷 8 (9 經)《眾集經》(大正 1, 50a2-3)，《增壹阿含經》卷 7 (15 有無品)(大正 2, 578a4-9)，《大智度論》卷 4 (大正 25, 93c23-94a7)。

<sup>19</sup> 一切有真實一切與名字一切，此處言名字一切，參見《大智度論》卷 24 (大正 25, 235b21-c2)、卷 30 (278b17-28)。

<sup>20</sup> 關於人間〔南閻浮提〕勝天之事，參見《起世經》卷 8〔五事勝〕(大正 1, 348a6-b6)；《起世因本經》卷 8〔五事勝〕(大正 1, 403a10-b10)；《大毘婆沙論》卷 172〔三事勝〕(大正 27, 867c18-25)；印順法師，《佛法概論》，pp.55-56；印順法師，《成佛之道》(增注本)，pp.47-49。

知見，令得須陀洹果，乃至阿耨多羅三藐三菩提者，當學般若波羅蜜！

【論】

※ 先已說此五眾（五分法身）、道果，何以更說

問曰：先已說此五眾、道果，<sup>21</sup>今何以更說？

答曰：上說但是聲聞法，從須陀洹乃至無餘涅槃；今雜說三乘：聲聞、辟支佛，乃至阿耨多羅三藐三菩提。

拾、欲學諸佛威儀，當學般若

【經】復次，舍利弗！菩薩摩訶薩欲學諸佛威儀者，當學般若波羅蜜！

【論】

※ 釋「諸佛威儀」<sup>22</sup>

問曰：何等是諸佛威儀？

答曰：

一、常身：四威儀：身四動止（印順法師，《大智度論筆記》〔J001〕p.489）

「威儀」名「身四動止」。譬如象王，迴身而觀；行時足離地四指，雖不蹈地而輪跡現；<sup>23</sup>不遲不疾，身不傾動；常舉右手安慰眾生；結加趺坐，其身正直；常偃右脇，累（310a）膝而臥；所敷草蓐，齊整不亂；食不著味，美惡等一；若受人請，默然無違<sup>24</sup>；言辭柔湏<sup>25</sup>，方便利益，不失時節。

二、法身佛威儀（印順法師，《大智度論筆記》〔C002〕p.182）

復次，法身佛威儀者，過東方如恒河沙等世界以為一步；梵音說法，亦復如是。法身佛相義，如先說。<sup>26</sup>

拾壹、菩薩欲得如象王視觀、足不蹈地、天眾圍繞俱至菩提樹下，當學般若

【經】復次<sup>27</sup>，菩薩摩訶薩欲得如象王視觀者，當學般若波羅蜜！

菩薩作是願：使我行時離地四指，足不蹈地。我當共四天王天乃至阿迦尼吒天<sup>28</sup>，

<sup>21</sup> 參見《摩訶般若波羅蜜經》卷 1〈1 序品〉：「復次，舍利弗！菩薩摩訶薩欲使十方各如恒河沙等國土中眾生，悉具於戒、三昧、智慧、解脫、解脫知見，令得須陀洹果、斯陀含果、阿那含果、阿羅漢果，乃至令得無餘涅槃，當學般若波羅蜜。」（大正 8，220a5-9）

另參見《大智度論》卷 32〈1 序品〉（大正 25，300c20-24）。

五眾（五分法身），參見《大智度論》卷 21（大正 25，220a8-221b1）。

道果，參見《大智度論》卷 32（大正 25，300c20-301a18）。

<sup>22</sup> 二佛身之威儀。（印順法師，《大智度論筆記》〔D032〕p.282）

<sup>23</sup> 參見 Lamotte（1980，p.2315，n.3）：《雜阿含經》卷 4（101 經）（大正 2，28a20-b18）；《別譯雜阿含經》卷 13（267 經）（大正 2，467a26-b26）；《增壹阿含經》卷 31〈38 力品〉（大正 2，717c18-718a12）；Aṅguttara（《增支部》）II，pp.37-39。

<sup>24</sup> 違＝言【宋】【元】【明】【宮】【聖乙】，〔違〕－【聖丙】。（大正 25，310d，n.1）

<sup>25</sup> 湏＝軟【宋】【元】【明】【宮】。（大正 25，310d，n.2）

<sup>26</sup> 參見《大智度論》卷 29（大正 25，274a6-26）、卷 30（大正 25，278a18-b5）。

<sup>27</sup> 〔復次〕－【宋】【元】【明】【宮】。（大正 25，310d，n.3）

<sup>28</sup> 參見《一切經音義》卷 22：「阿迦尼吒天，具云阿迦尼瑟吒。言阿迦者，色也；尼瑟吒，究竟也。言其色界十八天中，此最終極也。又云：阿，無也；迦尼瑟吒，小也。謂色界十八天中，最下一天，唯小無大；餘十六天上下互望，亦大亦小；此之一天，唯大無小，故以名也。」（大正 54，443a16-18）

無量千萬億諸天眾圍繞恭敬，至菩提樹下者，當學般若波羅蜜！

## 【論】

### 一、釋「如象王視觀」

「如象王視」者，若欲迴身觀時，舉身俱轉。

#### （一）身心一如，常集一心法故

大人相者，身心專一；是故若有所觀，身心俱迴。

譬如師子有所搏<sup>29</sup>撮<sup>30</sup>，不以小物故而改其壯勢；佛亦如是，若有所觀、若有所說，身與心俱，常不散。所以者何？從無數劫來，集一心法；以是業因緣故，頂<sup>31</sup>骨與身為一，<sup>32</sup>無有分解。

#### （二）破自慢、不輕他故

又以世世破憍慢故，不輕眾生，觀則俱轉。如《尼陀阿波陀那》中說：舍婆提國除糞人，而佛以手摩頭，教令出家，猶不輕之。<sup>33</sup>

### 二、釋「足離地四指」

「足離地四指」者，佛若常飛，眾生疑怪，謂佛非是人類，則不歸附；若足到地，則眾生以為與常人不異，不生敬心。是故雖為行地，四指不到而輪跡現。

#### ※因論生論：佛常放丈光、足不到地，眾生何以不盡敬附

問曰：如佛常放丈光、足不到地，眾生何以故不盡敬附？

答曰：眾生無量劫中積罪甚重，無明垢深，於佛生疑，謂是幻師，以術誑人；或言：

「足不蹈地，生性自爾，如鳥能飛，有何奇特！」

或有眾生罪重因緣故，不見佛相，直謂大威德沙門而已；譬如人重病欲死，名藥美食，(310b)皆謂臭穢，是故不盡敬附。

### 三、釋「諸天恭敬圍繞至菩提樹下」

「共四天王<sup>34</sup>，乃至阿迦尼吒無量千萬億諸天眾，恭敬圍繞至菩提樹下」者，是諸佛常法。佛為世尊，至菩提樹下，欲破二種魔：一者結使魔、二者自在天子魔，<sup>35</sup>欲成一切智；是諸天眾，云何不恭敬侍送？

<sup>29</sup> 搏（ㄅㄛˊ）：1.捕捉。(《漢語大詞典》(六)，p.795)

<sup>30</sup> 撮（ㄘㄨㄛˊ）：1.用三指取物，抓取。(《漢語大詞典》(六)，p.869)

<sup>31</sup> 頂=頭【元】【明】。(大正 25，310d，n.8)

<sup>32</sup> 《大智度論》卷 4 釋三十二相時提到：「二十二者、四十齒相，不多不少。餘人三十二齒，身三百餘骨，頭骨有九；菩薩四十齒，頭有一骨。菩薩齒骨多頭骨少；餘人齒骨少頭骨多。以是故異於餘人身。」(大正 25，90c18-22)

<sup>33</sup> 參見 Lamotte (1980, p.1634, n.1)：《大莊嚴論經》卷 7 (大正 4，293c3-297a25)；《賢愚經》卷 6 (大正 4，397a24-398a12)；《出曜經》卷 19 (大正 4，710a1-c1)；《根本說一切有部毘奈耶》卷 42 (大正 23，858a28-b1)。

化除糞人尼陀。(印順法師，《大智度論筆記》[ G002 ] p.378)

另參見《大智度論》卷 26 (大正 25，248a6-13)。

<sup>34</sup> 王+ (天)【宋】【元】【明】【宮】。(大正 25，310d，n.15)

<sup>35</sup> (1) 降魔：菩提樹下降二種魔。(印順法師，《大智度論筆記》[ C002 ] p.183)

(2) 破二種魔。(印順法師，《大智度論筆記》[ J040 ] p.528)

又諸天世世佐助擁護菩薩，乃至出家時，令諸宮人嫖女，淳<sup>36</sup>昏<sup>37</sup>而臥，捧馬足踰城出。今日事辦，我等當共侍送至菩提樹下。

**※ 因論生論：何以不說剎利、婆羅門等人侍送菩薩至菩提樹下，而但說諸天**

問曰：何以不說剎利、婆羅門等無量人侍送，而但說「諸天」？

答曰：<sup>(1)</sup> 佛獨於深林中求菩提樹，非是人行處，是故不說。

<sup>(2)</sup> 又以人無天眼、他心智故，不知佛當成道，是故不說。

<sup>(3)</sup> 復次，諸天貴於人，故但說天。

<sup>(4)</sup> 復次，諸佛常樂閑靜處，諸天能隱身不現<sup>38</sup>，不妨閑靜，是故但說諸天<sup>39</sup>從。

<sup>(5)</sup> 復次，菩薩見五比丘捨菩薩而去，而菩薩獨至樹下，是故作是願。

**拾貳、欲坐於菩提樹，以天衣為座，當學般若**

**【經】**我當於菩提樹下坐，四天王天乃至阿迦尼吒天，以天衣為座者，當學般若波羅蜜！

**【論】**

**一、佛所坐座，草、天衣、寶座**（印順法師，《大智度論筆記》〔D032〕p.282）

**（一）經說「佛敷草樹下坐而成佛」，今云何發願「以天衣為座」**

問曰：如經說「佛敷草樹下坐而成佛道」，今云何願言「以天衣為座」？

答曰：

**1、大小差別：敷座不同**（印順法師，《大智度論筆記》〔D009〕p.251）

聲聞經中說敷草。<sup>40</sup>

摩訶衍經中隨眾生所見——或有見敷草樹下，或見敷天綰縵<sup>41</sup>——隨其福德多少，所見不同。

**2、佛身：二身敷座別**（印順法師，《大智度論筆記》〔C002〕p.182）

復次，生身佛把草樹下；法性生身佛以天衣為座，或勝天衣。

**3、依人供養有別**

復次，佛於深林樹下成佛，林中人見，則奉佛草。若貴人見者，當以所貴衣服為座；但林中無貴人故，時諸龍神天，各以妙衣為座。

<sup>36</sup> 淳（彳メㄣノ）：1.深厚，濃厚。（《漢語大詞典》（五），p.1407）

<sup>37</sup> 昏（尸メㄣ）：1.神志不清，迷迷糊糊。（《漢語大詞典》（七），p.601）

<sup>38</sup> 現=見【元】【明】。（大正 25，310d，n.20）

<sup>39</sup> 天+（侍）【宋】【元】【明】【宮】【聖乙】【聖丙】，（侍）【石】。（大正 25，310d，n.21）

<sup>40</sup> 參見 Lamotte（1980，p.2321-2322，n.1）：《修行本起經》卷下（大正 3，470a28-b2）；《普曜經》卷 5（大正 3，514c13-20）；《方廣大莊嚴經》卷 8（大正，587a20-b4）；《過去現在因果經》卷 3（大正 3，639c4-11）；《佛本行集經》卷 26（大正 3，773a7-20）；《眾許摩訶帝經》卷 6（大正 3，950a15-21）；《佛本行經》卷 3（大正 4，75c24-76a9）；《出曜經》卷 7（大正 4，644c11-14）；《根本說一切有部毘奈耶破僧事》卷 5（大正 24，122c25-28）；《彌沙塞部和醯五分律》卷 15（大正 22，102c14-21）；《四分律》卷 31（大正 22，781a14-23）。

<sup>41</sup>（1）《一切經音義》卷 4：「綰縵（上，鴛遠反；下，餘旃反。經言綰縵者，即妙綺錦筵繡褥舞筵地衣之類也。」（大正 54，332a1）

（2）《一切經音義》卷 27：「綰縵（上，《字林》：一遠反。有作蜿蠕二形，非也。下，《三蒼》：以旃反。案：諸書綰縵，紘冠也。縵，冠上覆也。《玉篇》：冠前後而垂者，不可車上重敷冠覆。今理應作婉美之婉、席蓐之筵，文蓐華氈之類，綺麗席也。」（大正 54，486a18-19）



**(二) 辨所敷之天衣****1、天衣輕重** (印順法師,《大智度論筆記》[A056] p.95)**(1) 欲界天衣**

四天王衣重二兩；忉利天衣重一兩；夜摩天衣重十八銖<sup>42</sup>；兜率<sup>43</sup> (310c) 天衣重十二銖；化樂天衣重六銖；他化自在天衣重三銖。

**(2) 色界天衣**

色界天衣無重相。

**2、天衣差別****(1) 欲界天衣**

欲界天衣從樹邊生，無縷無織；譬如薄冰，光曜明淨，有種種色。

**(2) 色界天衣**

色界天衣，純金色光明，不可稱知。

**3、結**

如是等寶衣敷座，菩薩坐上，成阿耨多羅三藐三菩提。

**二、何以但說諸天敷衣為座，不說十方諸大菩薩為佛敷座**

問曰：何以但說諸天敷衣，不說十方諸大菩薩為佛敷座？諸菩薩等，佛將成道時，皆為佛敷座——或廣長一由旬，十百千萬億乃至無量由旬；高亦如是。

此諸寶座，是菩薩無漏福德生故，是諸天目所不見，何況手觸！十方三世諸佛，降魔得道，莊嚴佛事，皆悉照見，譬如明鏡；如是妙座，何以不說？

答曰：般若波羅蜜有二種：一者、與聲聞、菩薩、諸天共說，二者、但與十住具足菩薩說。<sup>44</sup>

是般若波羅蜜中，應說「菩薩為佛敷座」。所以者何？諸天知佛恩，不及一生、二生諸大菩薩；如是，菩薩云何不以神通力而供養佛！

是中合聲聞說，是故不說。

**拾參、得無上菩提時，欲使四威儀處皆轉為金剛，當學般若**

**【經】** 我得阿耨多羅三藐三菩提時，行、住、坐、臥處，欲使悉為金剛者，當學般若波羅蜜！

**【論】****※ 何故佛四威儀中，地悉為金剛**

問曰：何以故佛四威儀中，地悉為金剛？

答曰：

<sup>42</sup> 銖 (ㄉㄨㄛˋ)：1.古代衡制中的重量單位。為一兩的二十四分之一。《孫子·形》：“故勝兵若以鎰稱銖，敗兵若以銖稱鎰。”（《漢語大詞典》（十一），p.1263）

<sup>43</sup> 率+（陀）【宋】【元】【明】【宮】【聖乙】【聖丙】。（大正 25，310d，n.22）

<sup>44</sup> 「一、共聲聞菩薩合說

二種般若十二、但與法身菩薩說

（印順法師,《大智度論筆記》[B001] p.103）

### 一、無有地能舉實相智慧身故

有人言：菩薩至菩提樹下時，於此處坐，得阿耨多羅三藐三菩提；爾時菩薩入諸法實相中，無有地能舉是菩薩。所以者何？地皆是眾生虛誑業因緣報故有，是故不能舉。菩薩欲成佛時，實相智慧身，<sup>45</sup>是時坐處變為金剛。

### 二、從金剛際出故說

有人言：土在金輪上，金輪在金剛上，從金剛際出，如蓮花臺，直上持菩薩坐處，令不陷沒；以是故，此道場坐處名為金（311a）剛。

### 三、成佛道已，四威儀處悉變為金剛故

有人言：成佛道已，四種威儀處，悉變成金剛。

#### ※因論生論：金剛亦是眾生虛誑業因緣而有，云何能舉佛

問曰：金剛亦是眾生虛誑業因緣有，云何能舉佛？

答曰：金剛雖是虛誑所成，於地最為牢固，更無勝者。金剛下水，諸大龍王以此堅固物，奉獻於佛。

亦是佛宿世業因緣故，得此安立處。

又復佛變金剛及四大令為虛空，虛空不誑，佛智慧亦不誑；二事既同，是故能舉。

### 拾肆、欲出家日即成佛，即是日轉法輪度眾生等，當學般若

【經】復次，舍利弗！菩薩摩訶薩欲出家日即成阿耨多羅三藐三菩提；即是日轉法輪。轉法輪時，無量阿僧祇眾生遠塵離垢，諸法中得法眼淨；無量阿僧祇眾生，一切法不受故，諸漏心得解脫；無量阿僧祇眾生於阿耨多羅三藐三菩提得不退轉者，當學般若波羅蜜！

### 【論】

#### 一、釋「欲出家日即成佛」

或有菩薩，於惡世邪見眾生中，為除眾生邪見故，自行勤苦甚難之行。

如釋迦文佛於漚樓頻螺樹林中，食一麻一米。

諸外道言：「我等先師，雖修苦行，不能如是六年勤苦！」<sup>46</sup>

又復有人謂佛先世惡業，今受苦報。有菩薩謂佛為實受是苦，是故發心：「我當即以出家日成佛。」

又有菩薩於好世出家，如大通惠求佛道，結加<sup>47</sup>趺坐，經十小劫乃得成佛。<sup>48</sup>

菩薩聞是已，發心言：「願我以出家日即得成佛。」

<sup>45</sup> 入實相：菩薩欲成佛時，實相智慧身。（印順法師，《大智度論筆記》〔A042〕p.80）

<sup>46</sup> 參見《大智度論》卷 24（大正 25，235b13-18）。

<sup>47</sup> 加=跏【明】。（大正 25，311d，n.2）

<sup>48</sup> （1）大通慧佛，十劫坐道場。（印順法師，《大智度論筆記》〔G009〕p.383）

（2）參見《妙法蓮華經》卷 3（大正 9，22b19-c3）；《正法華經》卷 4（大正 9，89a2-14）。

**二、釋「願成佛已，當日即轉法輪」**

有菩薩成佛已，不即轉法輪。<sup>49</sup>

如然燈佛，成佛已，十二年但放光明，人無識者，而不說法。<sup>50</sup>

又如須扇多佛，成佛已，無受化者，作化佛留住一劫，說法度人，自身滅度。<sup>51</sup>

又如釋迦文佛，成佛已，五十七日不說法。<sup>52</sup>

菩薩聞是已，「願我成佛已，即(311b)轉法輪。」

**三、釋「轉法輪時，令無量眾生遠塵離垢，得法眼淨」**

有佛度眾生有限數，如釋迦文佛轉法輪時，憍陳如一人得初道，八萬諸天諸法中得法眼淨。<sup>53</sup>

菩薩聞是已，作是願：「我轉法輪時，令無量阿僧祇人遠塵離垢，諸法中得法眼淨。」

**四、願使無量眾生諸漏心得解脫，及於無上菩提得不退轉**

以釋迦文佛初轉法輪時，一比丘及諸天皆得初道，而無一人得阿羅漢及菩薩道者；是故菩薩願言：「我作佛時，當使無量阿僧祇眾生一切法不受故，諸漏心得解脫，及無量阿僧祇眾生於阿耨多羅三藐三菩提得不退轉。」

**※ 因論生論：一切諸佛功德、度眾生皆平等，此菩薩何以發願欲勝諸佛**

問曰：若一切佛神力、功德、度眾生皆等，<sup>54</sup>此菩薩何以作此願？

<sup>49</sup> 參見《大智度論》卷 7 (大正 25, 109b22-c4)。

<sup>50</sup> (1) 然燈佛成佛已，十二年不說法。(印順法師，《大智度論筆記》[G009] p.383)

(2) 參見 Lamotte (1980, p.2327, n.2):《大毘婆沙論》卷 98 (大正 27, 506a24-27)、卷 183 (大正 27, 916b19-20)。

<sup>51</sup> (1) 須扇多佛不說法，留化佛一劫度眾生。(印順法師，《大智度論筆記》[H022] p.415)

(2) 參見 Lamotte (1980, p.2327, n.3):《摩訶般若波羅蜜經》卷 21 (大正 8, 374c25-29)、卷 23 (大正 8, 390c4-6)。

<sup>52</sup> (1) 釋尊不說法，五十七日。(印順法師，《大智度論筆記》[C018] p.217)

(2) 釋尊寂不說法，待勸方說。(印順法師，《大智度論筆記》[I028] p.438)

(3) 參見《大智度論》卷 7 (大正 25, 109b27-c1);《大毘婆沙論》卷 182 (大正 27, 914a13-15);法寶撰《俱舍論疏》卷 1 (大正 41, 455b2-9)。

<sup>53</sup> (1) 參見《雜阿含經》卷 15 (379 經) (大正 2, 103c13-104a29)。

(2) 《大毘婆沙論》卷 66:「遠塵離垢，於諸法中生淨法眼者，說前三果。謂諸具縛及離欲界五品染已，入正性離生，生淨法眼，得預流果。若離欲界六、七、八品染已，入正性離生，生淨法眼，得一來果。若離欲界乃至無所有處染已，入正性離生，生淨法眼，得不還果。」(大正 27, 343c8-14)

(3) 《大毘婆沙論》卷 182:

如契經說：「佛說此法門時，具壽憍陳那及八萬諸天遠塵離垢，於諸法中生淨法眼。」此中，「遠塵」者，謂遠隨眠；「離垢」者，謂離纏垢；「於諸法中」者，謂於四聖諦中；「生淨法眼」者，謂見四聖諦淨法眼生。(大正 27, 913b5-9)

(4) 另參見《瑜伽師地論》卷 83 (大正 30, 763c11-764a1)。

<sup>54</sup> (1) 《薩婆多毘尼毘婆沙》卷 1:「一切諸佛有三事等：一者、行等，二者、法身等，三、度眾生等。一切諸佛盡三阿僧祇劫修菩薩行；盡具五分法身、十力、四無所畏、十八不共法；盡度無數阿僧祇眾生入於泥洹。」(大正 23, 510a1-5)

(2) 《俱舍論》卷 27:「諸佛相望法皆等不？頌曰：由資糧、法身、利他佛相似；壽、種、姓、量等，諸佛有差別。論曰：由三事故諸佛皆等：一、由資糧等圓滿故，二、由法身

答曰：一佛能變作無量阿僧祇身而度眾生，<sup>55</sup>而世界有嚴淨者、有不嚴淨者。<sup>56</sup>

菩薩若見、若聞是諸佛有苦行難得佛者，有不即轉法輪者，有如釋迦牟尼佛六年苦行成道；又聞初轉法輪時，未有得阿羅漢道者，何況得菩薩道！是故菩薩未聞諸佛力等，故作是願。

然諸佛神力、功德，平等無異。<sup>57</sup>

#### 拾伍、願以無量數聲聞為僧，彼一聞法即得阿羅漢

【經】我得阿耨多羅三藐三菩提時，以無量阿僧祇聲聞為僧；我一說法時，便於座上盡得阿羅漢者，當學般若波羅蜜！

#### 【論】

##### 一、見彼聲聞僧數有限之類，發願當有無量聲聞僧

有佛以聲聞為僧，有數有限。如釋迦文尼佛，千二百五十比丘為僧；彌勒佛，初會僧九十九億，第二會九十六億，第三會九十三億——如是等諸佛僧，各各有限有數不同。以是故，菩薩願言：「我當以無量阿僧祇聲聞為僧。」

##### 二、有佛說法，眾生異時方得阿羅漢果，發願能令彼聞法即證阿羅漢

有佛為眾生說法，一說法得初道，異時更說，得二道、三道、第四道。

如釋迦文尼佛為五比丘說法，得初道，異日得阿（311c）羅漢道；如舍利弗得初道，經半月然後得阿羅漢道；<sup>58</sup>摩訶迦葉見佛得初道，過八日已得阿羅漢；<sup>59</sup>如阿難得須陀洹道，二十五歲供養佛已，佛般涅槃後得阿羅漢——如是等諸阿羅漢，不一時得四道。以是故菩薩願言：「我一說法時，便於座上盡得阿羅漢。」

#### 拾陸、願以無量諸大菩薩為僧，彼一聞法即得阿鞞跋致

【經】我當以無量阿僧祇菩薩摩訶薩為僧；我一說法時，無量阿僧祇菩薩皆得阿鞞跋致！

#### 【論】

##### 一、釋「願以無量菩薩為僧」

##### （一）如釋迦佛無菩薩僧，菩薩入聲聞眾中坐

菩薩所以作此願者，諸佛多以聲聞為僧，無別菩薩僧。如彌勒菩薩、文殊師利菩薩等，以釋迦文佛無別菩薩僧，故入聲聞眾中次第坐。<sup>60</sup>

等成辦故，三、由利他等究竟故。由壽、種、姓、身量等殊，諸佛相望容有差別：壽異，謂佛壽有短長；種異，謂佛生剎帝利、婆羅門種；姓異，謂佛姓喬答摩、迦葉波等；量異，謂佛身有大小。『等』言顯諸佛法住久近等如有異，由出世時所化有情機宜別故。」  
（大正 29，141a28-b10）

（3）《瑜伽師地論》卷 38：「一切如來一切功德平等平等、無有差別；唯除四法：一者、壽量，二者、名號，三者、族姓，四者、身相。一切如來於此四法有增減相，非餘功德。」  
（大正 30，500a20-23）

<sup>55</sup> 一佛作無量阿僧祇身度眾生。（印順法師，《大智度論筆記》〔C020〕p.219）

<sup>56</sup> 參見《大智度論》卷 32（大正 25，302b15-16）、卷 33（大正 25，306b29-c3）。

<sup>57</sup> 佛佛平等：神力功德平等無量。（印順法師，《大智度論筆記》〔C021〕p.222）

<sup>58</sup> 參見 Lamotte(1980, p.2331, n.3):《根本說一切有部毘奈耶出家事》卷 2(大正 23, 1028a11-23)。

<sup>59</sup> 參見 Lamotte(1980, p.2332, n.1):《雜阿含經》卷 41(1144 經)(大正 2, 303c1-2);《別譯雜阿含經》卷 6(119 經)(大正 2, 418c14-15)。

<sup>60</sup> 無菩薩僧，菩薩入聲聞眾中坐。（印順法師，《大智度論筆記》〔D027〕p.277）

**〔二〕有佛純以菩薩為僧**

有佛為一乘說法，純以菩薩為僧。

**〔三〕有聲聞、菩薩雜以為僧者**

有佛聲聞、菩薩雜以為僧；如阿彌陀佛國，菩薩僧多，聲聞僧少。<sup>61</sup>

以是故，願以無量菩薩為僧。

**二、釋「我一說法時，無量阿僧祇菩薩皆得阿鞞跋致」**

有佛初轉法輪時，無有人得阿鞞跋致，以是故，菩薩願言：「我一說法，無量阿僧祇人得阿鞞跋致。」

**拾柒、欲得壽命無量、光明具足，當學般若**

**【經】** 欲得壽命無量、光明具足者，當學般若波羅蜜！

**【論】**

**一、佛壽有長有短，佛常光有遠有近**

**〔一〕佛壽**

諸佛壽命，有長、有短。如鞞婆尸佛，壽八萬四千歲；如拘樓餐陀佛<sup>62</sup>，壽六萬歲；迦那伽牟尼佛，壽三萬歲；迦葉佛，壽二萬歲；釋迦文佛，壽百歲，少有過者；<sup>63</sup>彌勒佛，壽八萬四千歲。<sup>64</sup>

**〔二〕佛常光**

如釋迦文佛常光一丈，彌勒佛常光十里。

**二、佛壽、光明各有二種——真實：無量、顯現；為眾生故：有量、隱藏<sup>65</sup>**

諸佛壽命、光明，各有二種：一者、隱藏，二者、顯現；<sup>66</sup>一者、真實，二者、為眾生故隱藏。

真實者，無量、顯現；為眾生者，有限有量。

**三、佛壽長短之抉擇**（印順法師，《大智度論筆記》〔D032〕p.282）

**〔一〕佛壽應無量**

**1、諸佛具足長壽業因緣**

實佛壽不應短。所以者何？諸佛長壽業因緣具足故。

<sup>61</sup> 極樂世界，菩薩僧多，聲聞僧少。（印順法師，《大智度論筆記》〔C016〕p.211）

<sup>62</sup> 迦羅鳩殞陀佛，拘樓餐陀佛。（印順法師，《大智度論筆記》〔I065〕p.463）

<sup>63</sup> 參見 Lamotte（1980, p.2336, n.1）：《長阿含經》卷 1（1 經）《大本經》（大正 1，2a4-8），《七佛經》（大正 1，150b26-c12），《七佛父母姓字經》（大正 1，159c11-15）。

<sup>64</sup> 參見 Lamotte（1980, p.2336, n.2）：《中阿含經》卷 13（66 經）《說本經》（大正 1，510b24-29）。

<sup>65</sup> 真實—無量顯現—救無量眾生故  
佛壽—應無量—持不殺生戒故  
隱藏—為眾生故—有實相智慧故  
般若和合戒等功德故。

（印順法師，《大智度論筆記》〔F024〕p.356）

<sup>66</sup> 顯密二法。（印順法師，《大智度論筆記》〔D008〕p.497）

**(1) 救無量眾生故**（印順法師，《大智度論筆記》〔F024〕p.356）

如婆伽梵宿世救一聚落人命，故得無量阿僧祇壽命。梵世中壽法不過半劫，而(312a)此梵天壽獨無量，以是故生邪見言：「唯我常住！」佛到其所，破其邪見，說其本緣：救一聚落，其壽乃爾，<sup>67</sup>何況佛世世救無量阿僧祇眾生——或以財物救濟，或以身命代死，云何壽限不過百歲？

**(2) 持不殺生戒故**（印順法師，《大智度論筆記》〔F024〕p.356）

又不殺生戒是長壽業因緣；佛以大慈眾生，愛徹骨髓，常能為眾生故死，何況殺生！

**(3) 有實相智慧故**（印順法師，《大智度論筆記》〔F024〕p.356）

又以諸法實相智慧真實不誑故，亦是長壽因緣。

**(4) 般若和合戒等功德故**（印順法師，《大智度論筆記》〔F024〕p.356）

菩薩以般若波羅蜜和合持戒諸功德故，得壽命無量，何況佛世世具足此諸無量功德而壽命有限！

**2、佛為人中之上首，佛壽亦應第一**

復次，如一切色中，佛身第一；一切心中，佛心第一；以是故，一切壽命中，佛壽亦應第一。如世俗人言：「人生於世，以壽為貴。」佛為人中之上，壽亦應長！

**(二) 遭佛壽可短之疑**<sup>68</sup>（印順法師，《大智度論筆記》〔F024〕p.356）

問曰：佛雖有長壽業因緣，生於惡世，故壽命便短；以此短壽，能具佛事，何用長為？又佛以神通力故，一日之中能具佛事，何況百歲！

答曰：

**1、生惡世故**（印順法師，《大智度論筆記》〔F024〕p.356）

**(1) 出惡世似短**（印順法師，《大智度論筆記》〔F024〕p.356）

此間閻浮提惡，故佛壽應短。

**(2) 生淨土即長**（印順法師，《大智度論筆記》〔F024〕p.356）

餘處好，故佛壽應長。

**※因論生論：若釋尊於此閻浮提成道是實佛，餘處皆是神通變化作佛以度眾生耶**

問曰：若然者，菩薩於此閻浮提淨飯王宮生，出家成道，是實佛；餘處皆是神通力變化作佛，以度眾生？

答曰：此言非也！所以者何？

餘處閻浮提，亦各各言：「我國是實佛，餘處為變化。」何以知之？若餘處國土，自知是化佛，則不肯信受教戒。

<sup>67</sup> 參見 Lamotte (1980, p.2336, n.4)：《雜阿含經》卷 44 (1195 經) (大正 2, 324b3-c16)；《別譯雜阿含經》卷 6 (108 經) (大正 2, 412b7-c18)；Samyutta (《相應部》) I, pp.142-144。

<sup>68</sup>

┌ 出惡世似短 ───────────┐
└ 生惡世故 ─┬─ 生淨土即長 ─┘

遭佛壽可短之疑 ─┬─ 神通力能速度故 ─── 一日亦可何假百歲 ─┬─ 如日影水，隨水大小  
(印順法師，《大智度論筆記》〔F024〕p.356)

又如餘國土人壽命一劫，若佛壽百歲，於彼裁<sup>69</sup>無一日，眾生則起輕慢，不肯受教；彼則以一劫為實佛，以此為變化化<sup>70</sup>。

如《首楞嚴<sup>71</sup>經》說：「神通遍照佛，壽七百千<sup>72</sup>阿僧祇劫。佛告文殊尸利：『彼佛則是我身。』彼佛亦言：『釋迦文佛則是我身。』」<sup>73</sup>

以是故知，諸佛（312b）壽命實皆無量，為度人故，現有長短。

#### 2、神通力能速度故，一日亦可，何假百歲，如日影水，隨水大小（〔F024〕 p.356）

汝言：「釋迦文佛，以神通力故，所度眾生與人<sup>74</sup>壽不異者，則不須百歲，一日之中可具足佛事！」

如阿難一時心生是念：「如然燈世尊、一切勝佛、鞞婆尸佛，出於好世，壽命極多，能具佛事；我釋迦文佛出生惡世，壽命極短，將無世尊不能具足佛事耶？」

爾時，世尊入日出三昧，從身變化出無量諸佛及無量光明，普至十方；一一化佛在諸世界，各作佛事：或有說法、或現神通、或現三昧、或現飯食。如是之比種種因緣，施作佛事而度眾生。

從三昧起，告阿難曰：「汝悉見聞是事不？」

阿難言：「唯然！已見！」

佛告阿難：「佛以如是神力，能具佛事不？」

阿難言：「假令佛壽一日，大地草木悉為可度眾生，則能度盡，何況百歲！」<sup>75</sup>

以是故知，諸佛壽命皆悉無量，為度人故，現有長短。

譬如日出，影現於水，隨水大小，水大則影久，水小則速滅；若照琉璃、頗梨珠山，影則久住。

又如火燒草木，然少則速滅，然多則久住；不可以滅處無火故，謂多然處亦無。

#### 四、「光明」義例同

光<sup>76</sup>明長短義，亦如是。<sup>77</sup>

<sup>69</sup> 裁（ㄔㄞˇ）：21.通“纒”。僅僅。（《漢語大詞典》（九），p.62）

<sup>70</sup> 〔化〕－【宋】【元】【明】【宮】【聖乙】【石】。（大正 25，312d，n.4）

<sup>71</sup> 嚴+（三昧）【明】。（大正 25，312d，n.5）

<sup>72</sup> 〔千〕－【元】【明】。（大正 25，312d，n.6）

<sup>73</sup> 參見《佛說首楞嚴三昧經》卷下（大正 15，644c16-645a13），《大智度論》卷 26（大正 25，249c11-13）。

<sup>74</sup> 人=久【宋】【元】【明】【聖乙】【石】。（大正 25，312d，n.7）

<sup>75</sup> （1）一日亦可，何假百歲。（印順法師，《大智度論筆記》〔F024〕 p.356）

（2）參見《大智度論》卷 9（大正 25，124b14-125a5），《大智度論》（卷 21，220b5-25）。

<sup>76</sup> （無量）+光【宋】【元】【明】【宮】。（大正 25，312d，n.9）

<sup>77</sup> 佛為何常光一丈，參見《大智度論》卷 8（大正 25，114c20-115a3）。

〈釋初品中信持無三毒義第五十二〉

（大正 25，312b22-314b19）

壹、願成佛時世界無有三毒，當學般若

【經】我成阿耨多羅三藐三菩提時，世界中無有婬欲、瞋恚、愚癡，亦無三毒之名。一切眾生成就如是智慧，善施、善戒、善定、善梵行、善不燒眾生者，當學般若波羅蜜。

【論】

一、佛應度眾生，若世界無三毒，佛為何故而生其國

問曰：若世界無三毒、亦無三毒名者，佛為何等故出生其國？

答曰：

（一）菩薩發願成佛時，其世界無三毒及三毒之名

貪欲、瞋恚、(312c) 愚癡名為三不善根，是欲界繫法。

佛若說貪欲、瞋恚、愚癡，是欲界繫不善；<sup>78</sup>若說染愛、無明，是則通三界。<sup>79</sup>

有佛世界純諸欲<sup>80</sup>人，為是眾生故，菩薩願言：「我成佛時，國無三毒及三毒之名。」

（二）有清淨佛國，純不退菩薩，無諸煩惱，唯有習氣故說

復有清淨佛國，純阿鞞跋致、法性生身菩薩，<sup>81</sup>無諸煩惱，唯有餘習，是故言「無三毒之名」。

（三）菩薩雖欲令世界無三毒之名，而實三毒不盡

若有人言：如菩薩願言「我當度一切眾生」，而眾生實不盡度；此亦如是，欲令世界無三毒之名，亦應實有三毒不盡。若無三毒，何用佛為？如地無大闇，則不須日照。如《經》所說：「若無三法，則佛不出世。若三法不斷，則不得離老、病、死。」三法者，則是三毒，如《三法經》，此中應廣說。<sup>82</sup>

（四）有世界眾生多戲論，故菩薩發願言：知三毒實相即是涅槃

復次，有世界，眾生分別諸法是善、是不善，是縛、是解等，於一相寂滅法中而生戲論；菩薩以是故願言：「令我世界中眾生不生三毒，知三毒實相即是涅槃。<sup>83</sup>」

<sup>78</sup> 貪欲、瞋恚、愚癡是三不善根，欲界繫不善。（印順法師，《大智度論筆記》〔D002〕p.241）

<sup>79</sup> 染愛、無明，通三界。（印順法師，《大智度論筆記》〔D002〕p.241）

<sup>80</sup> （離）+欲【宋】【元】【明】【宮】【聖乙】【石】。（大正 25，312d，n.13）

<sup>81</sup> 有淨土，純不退菩薩。（印順法師，《大智度論筆記》〔C018〕p.217）

<sup>82</sup> 參見 Lamotte（1980，p.2344，n.4）：《雜阿含經》卷 14（346 經）：

世尊告諸比丘：「有三法，世間所不愛、不念、不可意。何等為三？謂老，病，死。世間若無此三法，不可愛、不可念、不可意者，如來、應、等正覺不出於世間，世間亦不知有如來、應、等正覺知見，說正法律。以世間有老，病，死三法，不可愛、不可念、不可意故，是故如來、應、等正覺出於世間，世間知有如來、應、等正覺所知所見，說正法律。以三法不斷故，不堪能離老，病，死。何等為三？謂貪，恚，癡。」（大正 2，95c18-26）

另參見《雜阿含經》卷 28（760 經）（大正 2，199c27-200a13）；《大智度論》卷 4（大正 25，93b29-c2）、卷 9（大正 25，126a3-4）。

<sup>83</sup> 三毒實相即是涅槃，參見《維摩詰所說經》卷中（大正 14，549a28-b15）；《思益梵天所問經》卷 2（大正 15，40c25-41a11）；《諸法無行經》卷下（大正 15，759c13-14，760a12-14）；《大



**二、釋「一切眾生成就如是智慧，善施、善戒、善定、善梵行、善不燒眾生」****(一) 釋「一切眾生成就如是智慧」**

問曰：「一切眾生得如是智慧」，是何等智慧？

答曰：智慧是世間正見。

**(二) 釋「善施、善戒、善定、善梵行、善不燒眾生」**

世間正見中，說有布施、有罪福、有今世後世、有阿羅漢。<sup>84</sup>

信罪福故，能「善布施」。

信有阿羅漢故，能「善持戒、善禪定、善梵行」。

得正見力故，能「善不燒眾生」。

**(三) 釋「無三毒之名」**

世間正見是無漏智慧根本，以是故說「國中無三毒之名」。

貪欲有二種：一者、邪貪欲，二者、貪欲。

瞋恚有二種：一者、邪瞋恚，二者、瞋恚。

愚癡有二種：一者、邪見愚癡，二者、愚癡。<sup>85</sup>

是三種邪毒眾生難可化度，餘三易度。

「無三毒名」者，無邪三毒之名。

**(四) 善施等義，如前說**

「善布施」等五事，如上〈放光品〉中說。<sup>86</sup>

**貳、願般涅槃後，法無減盡，當學般若**

【經】使我般涅槃後，法無減盡，亦無減盡之名，(313a) 當學般若波羅蜜。

**【論】****※ 佛尚滅度，云何言「法無減盡」**

問曰：佛為法王<sup>87</sup>，尚自滅度，<sup>88</sup>云何言「法無減盡」？

答曰：

**一、佛法久住，無見滅者，故名不滅**

如上說，是菩薩願事不必實。<sup>89</sup>一切有為法，從因緣和合生，云何常住而不滅？<sup>90</sup>佛

智度論》卷 80 (大正 25, 622a17-26)。

<sup>84</sup> 世間正見，參見《雜阿含經》卷 28 (785 經) (大正 2, 203a20-26)；《阿那律八念經》(大正 1, 836b21-27)；印順法師，《成佛之道》(增注本)，pp.66-78。

<sup>85</sup> 三毒有二種。(印順法師，《大智度論筆記》[J041] p.528)

<sup>86</sup> 參見《大智度論》卷 8 (大正 25, 120b1-121b12)。

<sup>87</sup> 王=主【宋】【元】【明】【宮】\*【聖乙】【石】。(大正 25, 313d, n.1)

<sup>88</sup> 參見《大智度論》卷 99 (89 曇無竭品)：「佛身亦爾，從初發心所種善根功德，皆是佛身相好因緣；佛身亦不自在，皆屬本因緣業果報故生；是因緣雖久住，性是有為法故，必歸無常，散壞則無身。譬如善射之人，仰射虛空，箭去雖遠，必當墮地；諸佛身亦如是，雖相好光明，福德成就，名稱無量，度人無限，亦歸磨滅。」(大正 25, 747b21-28)

<sup>89</sup> 參見《大智度論》卷 7 (大正 25, 108c1-3)、卷 20 (210b14-19)、卷 30 (277b24-278c16; 284b20-c28)、卷 34 (309b19-c11)。

<sup>90</sup> 因緣合和生，云何常住而不滅。(印順法師，《大智度論筆記》[C026] p.228)

如日明，法如日沒餘光，云何日沒而餘光不滅？但久住故，無能見滅者，故名不滅。

**二、見餘佛法住時有多有少，故發願得相續不滅**

復次，是菩薩見諸佛法住有多有少——如迦葉佛法住七日，如釋迦牟尼佛法住千歲；是故菩薩發是願言：「法雖有為，願令相續不滅；如火得薪，相傳不絕。」

**三、法滅不滅：實相法不滅**（印順法師，《大智度論筆記》〔D007〕p.249）

復次，諸法實相名為佛法。是實法相，不生不滅、不斷不常、不一不異、不來不去、不受不動、不著不依、無所有，如涅槃相。<sup>91</sup>法相如是，云何有滅？

**※ 因論生論：若實法相不生不滅，則一切佛法皆應不滅耶**

問曰：法相如是者，一切佛法皆應不滅！

答曰：如所言，諸法實相無有滅者。有人憶想分別取諸法相、壞實法相，用二法說，是故有滅；實相法中無有滅也。

**四、般若集功德，隨本願相續，無有見其滅，要必當滅**（印順法師，《大智度論筆記》〔D007〕p.249）

復次，行般若波羅蜜無礙法、集無量功德故，隨其本願，法法相續，無有見其滅者；譬如仰射虛空，箭去極遠，人雖不見，要必當墮。<sup>92</sup>

**參、成佛時，欲令眾生聞名者必得無上菩提，當學般若**

**【經】**我得阿耨多羅三藐三菩提時，十方如恒河沙等世界中眾生聞我名者，必得阿耨多羅三藐三菩提。欲得如是等功德者，當學般若波羅蜜。

**【論】**

**一、佛世時尚有犯罪墮地獄者，云何言「去佛如恒河沙等世界，但聞佛名便得道」**<sup>93</sup>

問曰：有人生值佛世，在佛法中，或墮地獄者，如提婆達、俱迦利、訶多釋子等，三不善法覆心故墮地獄。<sup>94</sup>此中云何言「去佛如恒河沙等世界，但聞佛名便得道」耶？

答曰：

**（一）約法性生身佛說**（印順法師，《大智度論筆記》〔F024〕p.356）

上已說有二種佛：一者、法性生身佛，二者、(313b) 隨眾生優劣現化佛。<sup>95</sup>為法性生身佛故，說「乃至聞名得度」；為隨眾生現身佛故，說「雖共佛住，隨業因緣有墮地

<sup>91</sup> 實法相：不生不滅，不斷不常，不一不異，不來不出，不受不動，不著不依，無所有如涅槃相。（印順法師，《大智度論筆記》〔C003〕p.185）

<sup>92</sup> 參見《大智度論》卷 20（大正 25，210c11-211a11）、卷 99（大正 25，747b13-28）。

<sup>93</sup> 一約法性生身佛說  
    | 約聞名得道之眾生說  
聞佛名得度—約聞名漸次得道說  
    | 約福熟結薄應得度者說

    └約佛威力說（印順法師，《大智度論筆記》〔F024〕p.356-357）

<sup>94</sup> 參見《大智度論》卷 1（大正 25，63b18-19）、卷 11（143c27-144a2）、卷 13（157b3-158a12）、卷 14（164c1-165a11）。

<sup>95</sup> 參見《大智度論》卷 3（大正 25，77b22-c3）、卷 10（大正 25，131c5-8）、卷 29（大正 25，274a6-26）、卷 30（大正 25，278a18-b5）。

獄者」。<sup>96</sup>

法性生身佛者，無事不濟<sup>97</sup>、無願不滿。所以者何？於無量阿僧祇劫積集一切善本功德，一切智慧無礙具足，為眾聖主，諸天及大菩薩希<sup>98</sup>能見者。

譬如如意寶珠難見、難得，若有見者，所願必果。

如喜見藥<sup>99</sup>，其有見者，眾患悉除。

如轉輪聖王，人有見者，無不富足。

如釋提桓因，有人見者，隨願悉得。

如梵天王，眾生依附，恐怖悉除。

如人念觀世音菩薩名者，悉脫厄難。<sup>100</sup>

是事尚爾，何況諸佛法性生身！

**※ 因論生論：釋迦佛亦是法性生身分，云何仍有五逆、飢餓、賊盜等惡**

問曰：釋迦文佛亦是法性生身分，無有異體；何以故佛在世時，有作五逆罪人、飢餓、賊盜如是等惡？

答曰：

**1、釋迦佛本誓欲度惡世眾生故出世，若佛以力與之，則無事不能**

釋迦文佛本誓：「我出惡世，欲以道法度脫眾生，不為富貴世樂故出。」若佛以力與之，則無事不能。

**2、眾生福德力薄、罪垢深重故**

又亦是眾生福德力薄、罪垢深重故，不得隨意度脫。

**3、眾生難調，若雜以世樂則不得度**

又今佛但說清淨涅槃<sup>101</sup>，而眾生譏論誹謗言：「何以多畜弟子化導人民？此亦是繫縛法。」但以涅槃法化猶尚譏謗，何況雜以世樂！

<sup>96</sup> 佛身：法性生身佛，隨眾生優劣現化佛，聞名得度，隨緣或墮。(印順法師，《大智度論筆記》〔C002〕p.182)

<sup>97</sup> 濟：10.成功，成就；12.充足，齊全。(《漢語大詞典》(六)，p.190)

<sup>98</sup> 希：3.少，罕有。(《漢語大詞典》(三)，p.694)

<sup>99</sup> (1)《大智度論疏》卷15：「如喜見藥者，即是阿伽陀藥也。」(卍新續藏46，840c24)

(2)阿伽陀藥，參見《一切經音義》卷26：「阿伽陀藥(此云無病，或云不死藥。有翻為普除去，謂眾病悉除去也)。」(大正54，472b5)

<sup>100</sup> (1)念觀世音悉脫危難。(印順法師，《大智度論筆記》〔G009〕p.383)

(2)參見Lamotte(1980,p.2355,n.2)：《妙法蓮華經》卷7(大正9，56c3-57a11)；《正法華經》卷10(大正9，128c22-129b14)。

<sup>101</sup>《大智度論疏》卷15：「又今佛但說清淨涅槃已下，明如來但說涅槃法度眾生故，得度者少，人猶被譏謗言佛誘誑眾生，若以種種世法度眾生者，彌加起惡，是故佛不與一切人得世間小小諸樂願。故此經教量言：教化令一切三千大千世界眾生皆得人天樂者，不如教化一人得須陀洹；令一切如上眾生得四果者，不如令一人發菩提心；令如上眾生發心者，不如教一人相應實相波若一句。當知波若功高，出世間法勝故。佛唯化眾生，令出世間，所以引提婆達來，證佛唯以涅槃教化眾生，尚被謗義；又證令眾生得世間樂無益等義也。」(卍新續藏46，841a14-23)

如提婆達欲令足下有千輻相輪故<sup>102</sup>，以鐵作模燒而爍<sup>103</sup>之，爍已，足壞，身惱大呼。爾時阿難聞已涕泣白佛：「我兄欲死，願佛哀救！」

佛即伸手就摩其身，發至誠言：「我看羅睺羅與提婆達等者，彼痛當滅。」

是時提婆達眾痛即除；執手觀之，知是佛手，便作是言：「淨飯王子以此醫術足自生活。」

佛告阿難：「汝觀提婆達不？用心如是，云何可度？」<sup>104</sup> (313c)

若好世人則無是咎。如是眾生，若以世樂，不得度也。

是事種種因緣上已廣說。<sup>105</sup>以是故說：「聞佛名有得道者，有不得者。」

**(二) 約聞名得道之眾生說**<sup>106</sup> (印順法師，《大智度論筆記》[F024] p.356)

復次，佛身無量阿僧祇種種不同：

- (1) 有佛為眾生說法令得道者。
- (2) 有佛放無量光明，眾生遇之而得道者。
- (3) 有以神通變化指示其心而得道者。
- (4) 有佛但現色身而得道者。
- (5) 有佛遍身毛孔出眾妙香，眾生聞之而得道者。
- (6) 有佛以食與眾生令得道者。
- (7) 有佛眾生但念而得道者。
- (8) 有佛能以一切草木之聲而作佛事令眾生得道者。
- (9) 有佛眾生聞名而得道者，為是佛故說言：「我作佛時，其聞名者皆令得度。」

**(三) 約聞名漸次得道說** (印順法師，《大智度論筆記》[F024] p.356)

復次，聞名，不但以<sup>107</sup>名便得道也；聞已修道，然後得度。

如須達長者，初聞佛名，內心驚喜，詣佛聽法而能得道。<sup>108</sup>

又如賁夷羅 (Śaila) 婆羅門，從雞泥耶 (Keniya) 結髮梵志所初聞佛名，心即驚喜，

<sup>102</sup> 《大智度論疏》卷 15：「此人具三十相，唯無白豪相與千輻輪相耳。」(卍新續藏 46, 841a24)

<sup>103</sup> 爍 (尸又丿、)：4.熱，烤。(《漢語大詞典》(七)，p. 312)

<sup>104</sup> (1) 提婆達烙足作千輻相。(印順法師，《大智度論筆記》[G010] p.384)

(2) 類似的記載，參見《根本說一切有部毘奈耶破僧事》卷 18 (大正 24, 191c20-192a14)；  
《阿毘曇毘婆沙論》卷 43 (大正 28, 323c17-27)；《大毘婆沙論》卷 83 (大正 27, 430b5-13)；  
印順法師，《華雨集》(三)〈論提婆達多之「破僧」〉，pp.32-35。

<sup>105</sup> 云何有得度、有不得度之別，參見《大智度論》卷 4 (大正 25, 93c11-94a7)、卷 7 (大正 25, 114b11-19)、卷 8 (大正 25, 116b11-c6, 117b29-c17, 118b10-120a29)、卷 30 (大正 25, 278a8-279b1, 284b26-c28)、卷 34 (大正 25, 310a23-b1)。

<sup>106</sup> (1) 眾生得度因緣不同，得道種種不同。(印順法師，《大智度論筆記》[C019] p.219)

(2) 參見《大智度論》卷 7 (大正 25, 114b11-19)。

<sup>107</sup> 以+ (聞)【石】。(大正 25, 313d, n.17)

<sup>108</sup> (1) 須達長者聞佛名得度。(印順法師，《大智度論筆記》[G010] p.384)

(2) 參見 Lamotte (1980, p.2360, n.1)：Samyutta (《相應部》) I, pp.210-212；《雜阿含經》卷 22 (592 經) (大正 2, 157b18-158b23)；《別譯雜阿含經》卷 9 (186 經) (大正 2, 440b2-441a26)；Vinaya, II, pp.151-157；《五分律》卷 25 (大正 22, 166c9-167b4)；《四分律》卷 50 (大正 22, 938b20-939a19)；《十誦律》卷 34 (大正 23, 243c20-244b15)。

直詣佛所，聞法得道。<sup>109</sup>

是但說聞名，聞名為得道因緣，非得道也。

**※釋「即時」之義**

問曰：此經言「聞諸佛名即時得道」，不言「聞名已修道乃得」。

答曰：今言「即時」，不言「一心中」；但言「更無異事間<sup>110</sup>之」，故言「即時」。

譬如經中說：「修慈心時即修七覺意。」<sup>111</sup>

難者言：「慈三昧，有漏，是緣眾生法，云何得即時修七覺？」

答者言：「從慈起已即修七覺，更無餘法，故言即時。即時有二種：一者、同時；二者、雖久，更無異法。即是心而得修七覺，亦名即時。」

**（四）約福熟結薄應得度者說**（印順法師，《大智度論筆記》〔F024〕p.356）

復次，有眾生福德淳熟、結使心薄，應當得道，若聞佛名，即時得道。

**（五）約佛威力說**（印順法師，《大智度論筆記》〔F024〕p.356）

又復以佛威力故，聞即得度；譬如熟癰<sup>112</sup>，若無治者，得小因緣而（314a）便自潰；亦如熟果，若人無<sup>113</sup>取，微風因緣，便自墮<sup>114</sup>落；譬如新淨白氈易為受色。為是人故，說若聞佛名即時得道。譬如鬼神著人，聞仙人呪名，即時捨去。

**二、經言「如恒河沙等世界眾生聞我名者必得菩提」，誰傳此名令諸世界眾生得聞**

問曰：過如恒河沙等世界，誰傳此名令彼得聞？

答曰：

**（一）佛身放無量光，光光有華，華華有佛，佛佛說法又說諸佛名字故得聞**

佛以神力舉身毛孔放無量光明，一一光上皆有寶華，一一華上皆有坐佛，一一諸佛各說妙法以度眾生，又說諸佛名字，以是故聞。<sup>115</sup>如〈放光〉<sup>116</sup>中說。<sup>117</sup>

**（二）諸大菩薩以本願至無佛法處稱揚佛名故得聞**

復次，諸大菩薩以本願欲至無佛法處稱揚佛名，如此品中說者，<sup>118</sup>是故得聞。

<sup>109</sup>（1）貫夷羅聞佛名而漸得度。（印順法師，《大智度論筆記》〔G010〕p.384）

（2）參見 Lamotte（1980, p.2360, n.2）：Majjhima（《中部》）II, p.146；《增壹阿含經》卷 46〈49 放牛品〉（大正 2，798a25-799c16）。

<sup>110</sup> 聞=聞【元】【明】【聖乙】【石】。（大正 25，313d，n.19）

《大正藏》原作「聞」，今依【元】【明】【聖乙】【石】作「聞」。

<sup>111</sup> 修慈心時即修七覺意。（印順法師，《大智度論筆記》〔G010〕p.384）

參見《雜阿含經》卷 27（744 經）（大正 2，197c16-21）。

<sup>112</sup> 癰（ㄇㄨㄥˋ）：1.腫瘍。一種皮膚和皮下組織化膿性的炎症。（《漢語大詞典》（八），p.370）

<sup>113</sup> 人無=無人【宋】【元】【明】【宮】【聖乙】【石】。（大正 25，314d，n.1）

<sup>114</sup> 《大正藏》原作「墮」，今依《高麗藏》作「墮」（第 14 冊，730b2）。

<sup>115</sup> 佛身：佛身放無量光，光光有華，華華有佛，佛佛說法以度眾生。

（印順法師，《大智度論筆記》〔D032〕p.282）

<sup>116</sup> 光+（品）【明】【聖乙】【石】。（大正 25，314d，n.3）。

<sup>117</sup> 參見《摩訶般若波羅蜜經》卷 1〈1 序品〉（大正 8，217b10-c5）。

<sup>118</sup> 參見《摩訶般若波羅蜜經》卷 1〈1 序品〉（大正 8，220c7-10）；《大智度論》卷 34（大正 25，309a23-b3）。

**（三）有大功德人從虛空中聞**

復有大功德人從虛空中聞佛名號，如薩陀波崙菩薩。<sup>119</sup>

**（四）從諸天聞，從樹木音聲中聞，從夢中聞**

又有從諸天聞，或從樹木音聲中聞，或從夢中<sup>120</sup>。

**（五）佛有不可思議力故自往語，或以聲告故得聞**

復次，諸佛有不可思議力故<sup>121</sup>自往語，或以聲告。

**（六）菩薩作願誓度一切眾生故作是說**

又如菩薩作願誓度一切眾生，以是故說：「我成佛時，過如恒河沙等世界眾生聞我名皆得成佛。欲得是者，當學般若波羅蜜。」

**肆、諸功德及諸所願皆是眾行和合所成，何故獨讚般若<sup>122</sup>**

問曰：上欲得諸功德及諸所願，是諸事皆是眾行和合所成，何以故但說「當學般若波羅蜜」？

答曰：

**一、此經是般若經故**（印順法師，《大智度論筆記》〔D005〕p.246）

是經名「般若波羅蜜」，佛欲解說其事，是故品品中皆讚般若波羅蜜。

**二、般若是佛母故**（印順法師，《大智度論筆記》〔D005〕p.246）

復次，般若波羅蜜是諸佛母，父母之中母功最重，是故佛以般若為母、般若三昧為父。三昧唯能攝持亂心令智慧得成，而不能觀諸法實相。

般若波羅蜜能遍觀諸法分別實相，無事不達、無事不成；功德大故，名之為母。

以是故，行者雖行六波羅蜜及種種功德和合能具眾願，而但說「當學般若波羅蜜」。

**三、離般若不成波羅蜜故**（印順法師，《大智度論筆記》〔D005〕p.246）

復次，如《般若》後品中說：「若無般若波羅蜜，餘五（314b）事不名波羅蜜。」<sup>123</sup>

雖普修眾行，亦不能滿具諸願；如種種畫彩，若無膠者，亦不中用。

眾生從無始世界中來，雖修布施、持戒、忍辱、精進、一心、智慧，受世間果報已而復還盡。所以者何？離般若波羅蜜故。

今以佛恩，以般若波羅蜜修行六事故得名波羅蜜，成就佛道，使佛佛相續而無窮盡。

**四、以無礙慧起方便力故**（印順法師，《大智度論筆記》〔D005〕p.246）

復次，菩薩行般若波羅蜜時，普觀諸法皆空，空亦復空，滅諸觀，得無礙般若波羅蜜<sup>124</sup>，

<sup>119</sup> 參見《摩訶般若波羅蜜經》卷 27〈88 常啼品〉（大正 8，416a24-417c11）。

<sup>120</sup> 中+（聞）【宋】【元】【明】【宮】。（大正 25，314d，n.7）

<sup>121</sup> 故=或【明】【聖乙】【石】。（大正 25，314d，n.8）

<sup>122</sup> 獨嘆般若：此經是般若經故，般若是佛母故，離般若不成波羅蜜故，以無礙慧起方便力故，五度如盲等故。（印順法師，《大智度論筆記》〔D005〕p.246）

<sup>123</sup> 參見《摩訶般若波羅蜜經》卷 11〈40 照明品〉（大正 8，302b24-c15）、卷 21〈69 方便品〉（大正 8，368c22-369c25）；《大智度論》卷 29（大正 25，272b24-273a9）、卷 46（大正 25，394b4-27）。

<sup>124</sup> 無礙智慧(般若)，參見《大智度論》卷 27（大正 25，259c29-260a5）、卷 39（大正 25，346b28-c7）、卷 41（大正 25，360a23-b7）、卷 48（大正 25，409b11-12）、卷 51（大正 25，425a24-25）、

以大悲方便力還起諸功德業；此清淨業因緣故，無願不得。餘功德，離般若波羅蜜，無有無礙智慧，云何言「欲得諸願，當學檀波羅蜜等」？

**五、五度如盲等故**（印順法師，《大智度論筆記》〔D005〕p.246）

復次，又以五波羅蜜離般若，不得波羅蜜名字；<sup>125</sup>五波羅蜜如盲，般若波羅蜜如眼；<sup>126</sup>五波羅蜜如坏<sup>127</sup>瓶盛水，般若波羅蜜如盛熟瓶；<sup>128</sup>五波羅蜜如鳥無兩翼，般若波羅蜜如有翼之鳥。

#### **六、結**

如是等種種因緣故，般若波羅蜜能成大事，以是故言：「欲得諸功德及願，當學般若波羅蜜。」

---

卷 81（大正 25，632b6-9）。

<sup>125</sup> 參見《大智度論》卷 29（大正 25，272c26-273a1）。

<sup>126</sup> 參見《大智度論》卷 29（大正 25，273a1-5）。

<sup>127</sup> 坏（ㄉㄞˊ）：沒有燒過的磚瓦陶器。《說文·土部》：「坏，瓦未燒。」（《漢語大字典》（一），p.421）

<sup>128</sup> 參見《摩訶般若波羅蜜經》卷 15〈51 譬喻品〉（大正 8，330a1-20），《大智度論》卷 41（大正 25，362a16-19）。《大智度論》卷 71〈51 譬喻品〉（大正 25，555c2-21，556b16-18）。